

## **ZAKON O PRENOŠENJU POSLOVA MEDIJACIJE NA UDRUŽENJE MEDIJATORA<sup>1</sup>**

(„Službeni glasnik BiH“, broj: 52/05)

### **Član 1.**

Ovim zakonom uređuje se postupak prenosa poslova medijacije i određivanje udruženja građana koja će obavljati poslove medijacije u Bosni i Hercegovini, u skladu sa Zakonom o postupku medijacije („Službeni glasnik BiH“ broj 37/04), te prenos poslova na udruženje medijatora.

### **Član 2.**

(1) Prenos poslova medijacije provodi se na osnovu zahtjeva koji se podnosi Ministarstvu pravde BiH.

(2) Ministarstvo pravde BiH priprema tekst zakona o prenosu poslova medijacije na konkretno udruženje ukoliko je udruženje – podnosilac zahtjeva uredno registrovano za cijelo područje Bosne i Hercegovine

### **Član 3.**

Poslovi medijacije prenose se na „Udruženje medijatora u Bosni i Hercegovini“ registrovano Rješenjem Ministarstva civilnih poslova i komunikacija BiH, broj RU/44/02 od 5.11.2002. godine.

### **Član 4.**

(1) Kada i ako kod Ministarstva pravde BiH, nakon stupanja na snagu ovoga zakona, bude registrovano jedno ili više novih udruženja medijatora za područje cijele Bosne i Hercegovine, dopunama člana 3, ovog zakona poslovi medijacije prenijeće se i na novoformirano udruženje ili udruženja koje, nakon što budu uredno registrovana u nadležnom ministarstvu, podnesu zahtjev Ministarstvu pravde BiH.

(2) Ministarstvo pravde BiH, odmah po prijemu zahtjeva, pripremiće tekst i inicirati kod Savjeta ministara BiH utvrđivanje predloga dopuna ovog zakona u smislu prethodnog stava. Zakon usvaja Parlamentarna skupština BiH.

(3) Ukoliko je zahtjev za prenos poslova medijacije uredno podnesen, dopune zakona u smislu stava (1) ovoga člana, može predložiti i drugi ovlašćeni predlagač zakona.

### **Član 5.**

Poslovi medijacije vrše se u skladu sa Zakonom o postupku medijacije („Službeni glasnik BiH“, broj 37/04).

### **Član 6.**

Ovaj zakon stupa na snagu osmog dana od dana objavljivanja u „Službenom glasniku BiH“.

---

<sup>1</sup> Legalist.ba objavljuje ovaj tekst u dobroj vjeri, smatrajući ga u trenutku objavljivanja ispravnom verzijom zakonskog teksta. Ali, autori i Legalist.ba ne jamče da je objavljena verzija teksta propisa pravno valjana, trenutno važeća ili pravodobno dopunjena i mijenjana, stoga Legalist.ba ne odgovara za štetne posljedice koje mogu nastupiti usljed preuzimanja i korištenja ovog neslužbenog prečišćenog teksta.